



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS.

manè-discutienda, in Scholis Medicorum, die Jovis,

17 Novembris 1729.

M. ELIA COL DE VILARS,

Doctore Medico, Præside.

Dantur-nè Morbi salutare?

I.



NTEGRA valetudo, punctum fugax, quo rarò gaudet Homo. [a] *Quin & habiuit etiam exercitatorum qui ad summum bonitatis attingunt, periculosi, si in extremo consisterint; neque enim possunt in eodem permanere, neque quiescere.* Hominem igitur vel ab ejus ortu ad occasum usque contemplaturus, totum ferè dices à naturâ morbum. Quid mirum! Solidæ &

[a] Hippocr.
Sect. 1. aph. 3.

Fluidæ ex quibus constat partes, ab ordinationibus suis levi momento declives, indefinenti motu & labore illum exercent. Ambientia corpora eum continuo offendunt. Undequaque impendent ipsi inopinata pericula. Hinc tum internorum cum externorum hostium præda, sui perpetuò patitur detrimentum. Immane idcirco quot & quantis obnoxius sit morbis! Quot & quam furentibus, per universum vitæ curriculum, jactetur procellis! Vix inchoatus parentum luit pœnas. Vagitibus suam signat nativitatem. Crescit ille? Crescunt & humanæ fortis incommoda. Dolorum ægritudinumque hospitium, in deterius præceps labitur senescens. Suos quolibet ætas patitur manes, donec tandem atra nox claudat tragediam. Isthæc autem ma-

2

lorum ilias non artis medendi, sed rerum non naturalium; aut medentis culpâ; illæ quippe legitimo sui usu sanitatem largientes, abusu morbum, immò & mortem inferunt. Hic verò, nullius non morbi curationis fatagens, irritando crabrones, ægro sæpè figit crucem. Sistat igitur aliquando pedem, sagax naturæ speculator, ne scyllam vitare cupiens, incidat in Charybdim. Haudquaquam damnosi sunt omnes morbi. Quandoque detrimentum in bonum vertitur.

I I.

LICET morbi, quibus affligitur corpus humanum, sint in Solidis, Fluidorum tamen peccamina causam agnoscunt. Cum enim morbus inordinatus sit Solidorum motus à quo functiones læduntur, omnisque Solidorum motus à Fluidorum influxu pendeat, horum motus exles functiones lædens, morbum efficiat necessum est. Ut igitur Fluida laudabili naturâ, copiâ & motu donata, bonorum omnium; sic à naturalibus hisce dotibus devia, omnium microcosmi malorum authores habeto. Adeo verum sit Fluentis vim intus agere, infusamque per artus totam agitare molem, itaque ac reditu, universâ veluti radiatione, universum vivificare corpus. Hoc illius defectu, hæret immotum jacetque iners & otiosum cadaver. Licet ipsi ac viventi eadem Solidorum sit configuratio & apparatus, nihilofecius obire vitæ munia haud penes est illud; quia vitalis abest Fluentium potentia; nullus quippe Solidorum à seipsis motus; perennis verò Fluidorum morio. Quot viventis functiones, tot mirandi Fluidorum effectus. Conceptio, nutritio, accretio, omnia tandem vitæ munia Fluidorum energæ accepta referuntur. Ne Solidas tamen viventis partes otiosas & inertes existima, Elatere, licet à Fluidis oriundo, gaudent quo perpetim oscillant, Liquida pinsumt, attenuant, urgent, & per omnem vel tenuissimum tubulorum contextum longè latèque transmittunt; sic Solida, depromptas à Fluidis vires, in Fluida vicissim exerunt, hæcque fugam semper molientia coercent. Porro quandiu pacarus, expeditus & facilis est Liquidorum influxus, tandiu viget à morbis incolumis Homo. Verùm ubi primum ab *idiosyncrasia* aberrant; id est, vel copiâ, vel penuriâ, vel lentore, vel adulterino quodam sapore delinquant; tunc temporis exleges fiunt motus & sæpè pessum abit animalis œconomia; at non antea Solidis, quam prius Fluidis inuritur labes; quâ quidem frequentius cruciantur legitimæ victus rationis nescii. Sed si hominis misera fors tulerit ut summâ valetudine frui nequeat, hoc saltem ipsi sit solatio, quod effectus contra naturam adeo felices aliquando suboriuntur, ut periculosiora, imò & exitialia avertant mala.

I I I.

TANTA vis est humani corporis mechanismi, ut si vitalis auræ multi sint exitus, innumeri dentur regressus ad sanitatem. Etenim mirabilis illa machinæ humanæ structura; Liquidorum Solidorumve motus perennes & reciproci, tot organorum, naturæ officinarum, coagumentatio & conformatio; mechanica tot musculorum dispositiones, ad omnem corporis actionem comparatæ, venarum arteriarumque sanguinalium & lymphaticarum stupenda multitudo, infinita penè divisio, nervorum toto corpore pertineantium innumeræ complicationes, elicui, secretiorum ac

emissariorum ductuum tantus apparatus, tot sunt arma quorum ope sub omni morbo fit naturæ conamen, quo hostiles succos vel domet, vel abigat, vel eliminet. Interdum verò natura salutem ægrotantis moliens victorie prorsus impar, effectis viribus vincitur ipsa; hinc cujuslibet morbi triplex exitus. 1°. Ad sanitatem, cum male morata liquida, præpollente Solidorum vi & robore, ad idiosyncrasiam reducuntur, aut per salutarem crism foras amandari se sinunt. 2°. Ad alium morbum graviores aut leviores per *metastasin*, vel imperfectam crism; cum scilicet noxia liquida, nec subacta, nec penitus eliminata, Solidorum tamen elatere ad aliquam partem nobiliorem aut ignobiliorem transferuntur. 3°. Demum, & quidem infelicitè ad mortem; cum systaltica Solidorum virtus, præ deletrice Liquidorum qualitate, funditus corrui. Dum autem primo & feliciori morbi exitu beari nequit æger, nec sub tertio lethali occumbit, se felicem fateatur, si devicta mortis falce, gaudeat secundo morbi eventu; quo salutari *metaprosi*, exitiali morbo liberatus, in mitiorem alium inciderit. Sic secundarii morbi qui pristinam mutarunt sedem, sæpenumerò salutem afferunt. Nec minus se beatum dicat is cujus natura, mediis etiam in ægrotationibus, ad sanitatem semper vergens, efficaci nisu, adversarios, malignosve humores, lethifera morbi semina, subegit, aut expulit fausta mali victrix.

IV.

SALUTARES fieri metastases, pejorumque morborum vitationes, haud stupefiet penes quem fuerit animalis æconomiae cognitio. Organorum enim compages & virtus hanc imposuerunt naturæ necessitatem, quâ totis viribus in morboe matris subactionem & ad incernicula propulsiorem contenderet, aut saltem, utpote sagax medicatrix, à nobili parte ad ignobilem eam ablegando, se sublevaret: sicque à periculosioribus malis viscera omnia expediret ac tueretur. Cum enim creatus fuerat homo non periturus, in se condit vitæ semina, quibus & morbum & mortem ipsam luctando, eluctari conatur; ita ut inter ipsamet necis pericula videatur ad vitam ordinatus, & etiam gravius ægrotans, innato sibi vitali principio, mille modis ad sanitatem tendat. Hinc tot & tam varia crises, tot & tam diversæ metastases, tot & tam inopinatæ morborum solutiones, quas omnes, bonis ægrotantium rebus successuras, tot salutare verè dixeris morbos in quibus annuendis, immo & nonnunquam provocandis, non minus versatur medentis industria, quam in illis avertendis nefas; fit quippe morbus aliquando morbi sanatio, inabsoluta quidem sub morbi transmutatione, aut adhuc vigente crisi; sed vitam morti proximam cum leviori & à periculo vacante morbo commutari, sanescere existima. Salubre quidem est, ægrum ad nihilum mox recasurum, ab orci faucibus ereptum, in tuto collocari.

V.

AMBIGIS nunc hæresque dubius utrum sub statu morbofo quid salutaris esse possit? Hoc tamen non secus reperies in plurimis morborum judicationibus. Et verò quid salubrius *perirrhoeis*, quibus ex universo corporis ambitu humores in alveos & cavitates, veluti per emissaria quædam deponuntur, atque ita universum corpus hostilibus repurga-

tur succis, aliquando per alvum, aliquando per renes & vesicam, interdum per vomitum, aut alia corporis effluvia? Ad hunc modum, teste experientia, & observante divino Sene, summo observationum magistro, [a] quibus in febribus aures obsyderint, sanguis e naribus effluens, aut alvus exturbata, morbum solvit. [b] Mulieri, mensivis deficientibus, e naribus sanguinem fluere, bonum. [c] Caput laboranti & circumcirca dolenti, pus aut aqua, aut sanguis effluens per nares, aut per os, aut per aures, solvit morbum. [d] Melancholicis & nephriticis, hamorrhoides supervenientes, bonum. [e] A longo alvi profluvio detento, sponte superveniens vomitus, alvi profluvium solvit. [f] Ophthalmia laborantem, ab alvi profluvio corripit, bonum. [g] Insanientibus, si varices, aut hamorrhoides supervenerint, insania solutio fit. [h] Si a leucophlegmatia detento, vehemens diarrhaea superveniat, morbum solvit. Num sub confluentibus variolis ptyhalismus in adultis, alvi fluxus in infantibus, tanti sunt momenti, ut si defecerint, praesens imminet vitae discrimen? Num diarrhaea malignis febribus superveniens, lympham acrem nervosum genus infestantem, ad intestina appellendo, & spasmodis, & deliriis, & soporosis affectibus occurrit? Num paralysis artus invadens, apoplexiam solvit? [i] Num febrem convulsioni supervenire melius est, quam febri convulsionem; [k] etenim a convulsione, vel tetano detentus, febre superveniente, liberatur. Haud minus inconcussa suppeditant hujus assertionis argumenta scabies, herpes, erysipelas, arthritis, bubones, achores, favi, &c. quae si inauspicato introcesserint, vanuerintque, vel praeposterè sanata sint, lethales aut graves affectus inducere solent. Haec autem averfurus est Medicus? contra, artis est solertia rursus isthaec evocandi in quae relabi prodest; quemadmodum quid simile interdum expedit promoveri cauteriis, epispasticis, cucurbitulis, frictionibus, & aliis hujuscemodi praesidiis quorum ope ab iniis visceribus ad habitum avocatis pravis succis, inflicta mala aegrotantium saluti vertuntur; multi quippe sunt morbi qui juvant, & quibuscum tuta manet sanitas.

Ergo dantur salutares Morbi.

DOMINI DOCTORES DISPUTATURI.

M. Claudius Brunet.

M. Ludovicus Bourdelin à
Regia Scientiarum Academia.

M. Joannes-Baptista Thomas
Martineng, Scholarum
Professor.

M. Ludovicus de Santenl.

M. Michaël-Ludovicus Ver-
nage, Medicus Regis ordi-
narius.

M. Franciscus Pouffe.

M. Emanuel-Mauricius du
Verney.

M. Joannes-Franciscus Leaul-
lé, Chirurgia Professor.

M. Thomas-Bernardus Ber-
trand.

Proponebat Parisiis, LUDOVICUS-PETRUS LE HOC;
Rothomagus, Baccalaureus Medicus, A. R. S. H. 1729.
à sextâ ad meridiem.